


werden/ also wird am Jüngstentage / ein jedes Stüfflein/  
Greuplein/ Kux/ Thaler vnd Pisscherling / der im Namen  
Christi zu Schul/ Kirch/ Spital / vnd erhaltung haushar-  
mer vnd fracker Leut / aus glaubigen vnd freywilligen  
Herren geben seyn/ ein ewigen Ruhm haben/ für Gott vnd  
all seinen Heiligen vnd Engeln/ wol dem ders glaubt/ vnd  
sich gegen dem Sohne Gottes in dieser Zeit danckbar er-  
zeigt / vnd hoffet höfflich auff die Vergeltung in der Wis-  
dergeburt. Denn da wird es alles bezalt vnd reichlich ver-  
goltet werden.

Wir loben vnd preysen dich ewiger Vater in  
diesem Gebirge / vñ befehlen dir vnser Bergwerck/  
Kirch vnd Regiment / der du allmechtiger Gott/  
vnd vnser gnediger Vater bist/ in Jesu Christo dei-  
nem geliebten Sohn/ Amen.



### Die Vierdte Predigt.

## Vom Golde/ auff der heiligi- gen drey Könige tag.



Seben Freunde im HErrn/ auff  
diesen Tag rühmet die ganze Christen-  
heit die Stufe sein Goldes/ welche die  
Weisen aus Orient/ dem HErrn JE-  
su Christo vnd seiner werthen Mutter/  
aß Persien zu Verehrung mitbrach-  
ten.

3 iij

Das

556